



Broj: 05-16-4-10957-6/16  
Sarajevo, ~~30.12.2016~~ 12.2016 godine

Na osnovu članka 70. i članka 89. Zakona o javnim nabavama Bosne i Hercegovine („Službeni list Bosne i Hercegovine“ broj 39/14), ministar pravde Bosne i Hercegovine, donosi

**ODLUKU**  
**o dodjeli ugovora u postupku javne nabave**

**I**

Dodjeljuje se ugovor ponuđaču GUMA M d.o.o. Mostar, Bišće Polje bb, 88100 Mostar u postupku javne nabave auto guma.

**II**

Ponuđač iz tačke I ove odluke dostavio je najnižu cijenu u skladu sa člankom 64. stavak (1) točka b) Zakona o javnim nabavama Bosne i Hercegovine.

**O b r a z l o ž e n j e**

Ministarstvo pravde Bosne i Hercegovine je 13.12.2016.godine, odlukom pokrenulo konkurentski postupak nabave auto guma, izvršilo objavu na portalu javnih nabava Agencije za javne nabave Bosne i Hercegovine [www.ejn.gov.ba](http://www.ejn.gov.ba) 14.12.2016.godine i uputilo pozive ponuđačima zainteresiranim za učešće u javnom tenderu.

U ostavljenom propisanom krajnjem roku za dostavljanje ponuda, pristigle su dvije ponude, i to od sljedećih ponuđača:

1. GUMA M d.o.o. Mostar, Bišće Polje bb, 88100 Mostar i
2. M.R.M export-import d.o.o. Ljubuški, Put za Međugorje bb, 88320 Ljubuški.

Nakon analize i procjene dokumentacije priložene uz ponude, Povjerenstvo za nabave Ministarstva pravde BiH (u daljem tekstu Povjerenstvo) je utvrdilo da ponuda ponuđača GUMA M d.o.o. Mostar u potpunosti zadovoljava uvjete utvrđene u tenderskoj dokumentaciji, a da ponuda ponuđača M.R.M export-import d.o.o. Ljubuški ne zadovoljava uvjete utvrđene u tenderskoj dokumentaciji, te se kao takva smatra neprihvatljivom.

Naime, Povjerenstvo je konstatiralo da cijena ponude M.R.M export-import d.o.o. Ljubuški u iznosu od 19.328,00 KM bez PDV premašuje procijenjenu vrijednost nabave utvrđenu točkom 2.1.2. tenderske dokumentacije, u iznosu od 17.094,02 KM bez PDV.

Nadalje, ponuđač M.R.M export-import d.o.o. Ljubuški nije u potpunosti udovoljio zahtjevu iz Aneksa 2. (Obrazac za cijenu ponude) tenderske dokumentacije. Točnije, u Napomeni Aneksa 2. pod rednim brojem 6. utvrđeno je da gume pod rednim brojem 4. moraju imati minimalno indeks brzine T, dok je u ponudi ponuđača M.R.M export-import d.o.o. Ljubuški ponuđen indeks brzine S.

Također, ponuđač M.R.M export-import d.o.o. Ljubuški nije u potpunosti ispunio minimalan uvjet propisan točkom 3.1.3.c) tenderske dokumentacije. Točnije, nije dostavio dokaz kojim potvrđuje da ispunjava uvjete iz spomenute točke, odnosno dokaz propisan točkom 3.1.3.1. c) potpisan i ovjeren od strane ovlaštene osobe ponuđača detaljan opis ponuđenih guma sa pozivom na službenu web stranicu proizvođača (linkovi) i naznačenom pozicijom pojašnjenja u katalogu i e) potpisan i ovjeren od strane ovlaštene osobe ponuđača Test za gume u proteklih pet godina od strane renomiranog zapadnoeuropskog auto magazina (npr. ADAC), objavljen na internetu, po kojem je ponuđeni proizvođač i model gume ocijenjen minimalnom ocjenom „preporučljive“.


Kako je člankom 68. stavak (4) točka i) Zakona o javnim nabakama propisano da je ugovorno tijelo dužno odbaciti ponudu ukoliko ista nije potpuna i ne ispunjava zahtjeve iz tenderske dokumentacije, Povjerenstvo je predložilo da se ponuda ponuđača M.R.M export-import d.o.o. Ljubuški odbaci.

Shodno gore rečenom, a s obzirom da je od dvije pristigle ponude samo jedna prihvatljiva, odnosno da ispunjava formalno-pravne i tehničke uvjete navedene u tenderskoj dokumentaciji, Povjerenstvo jednoglasno daje preporuku ministru pravde Bosne i Hercegovine da u predmetu nabave auto guma (Zapisnik broj: 18.6-16-4-11125-2/16 od 23.12.2016.godine, u prilogu), donese odluku o dodjeli ugovora ponuđaču GUMA M d.o.o. Mostar, Bišće Polje bb, 88100 Mostar, sa cijenom u iznosu od 16.520,00 KM (slovima: šesnaesttisućapetstotinadvadeset i 00/100 konvertibilnih maraka) bez uračunatog PDV-a.

**Povjerenstvo konstatira da je izabrani ponuđač dužan dostaviti dokumenta na način propisana točkom 3.1.1.2. i 3.1.1.3. tenderske dokumentacije broj: 05-16-4-10957-2/16.**

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavi i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku od pet (5) dana od dana kada je primio odluku, odnosno obaviještenje o rezultatima.



Prilog:

- Zapisnik o ocjeni ponuda.

Dostaviti:

- Ponuđaču,

- a/a.